




續日本後紀 六


和書門			
二	二	一	六
冊	架	函	號類

內閣文庫			
一三七函	二〇冊	二六號	和書類


內閣文庫		
番號	和	26
冊數	20 ( 6 )	
函號	137	134







續日本後紀卷第六  
 四年正月盡十二月  
 太政大臣從一位藤原朝臣良房等奉  
 勅撰



四年春正月己丑朔天皇御大極殿受群臣  
 朝賀畢宴侍從已上於紫宸殿賜御被丁  
 卯天皇朝觀先太上天皇及太皇太后於嵯  
 峨院日暮賜扈從者祿車駕還宮戊申淳  
 和院皇太后所誕皇子殤焉庚午恒例内  
 記今日預設朔日可叙五位已上位記而此

續日本後紀卷第六

撤停之應元叙位也。是日勅遣參議民  
 部卿朝野宿祢鹿取於淳和院奉帛皇子殤  
 辛未天皇御豐樂院宴于群臣賜祿有差  
 壬申天皇御大極殿講最勝王經皇太子侍  
 焉崇朝之講竟。乘輿還宮。癸酉伊豫國  
 人典藥權允物部首廣宗其弟直宗等改本  
 居貫附左京二條四坊。丙子以從五位上  
 良岑朝臣木連為右衛門佐從五位下惟良

宿祢春道為伊勢衣從四位下藤原朝臣助  
 為兼尾張守近衛中將如故。云。戊寅大  
 極殿最勝會竟引其講師及智德僧於仁壽  
 殿通令論義訖施御被。庚辰天皇御紫宸  
 殿觀踏歌皇太子侍焉賜侍從已上祿。辛  
 巳天皇御豐樂殿觀射。壬午亦欲御同殿  
 上所設御座緣邊有物恠因停降臨遣大臣  
 閱視六衛府射昨日之餘。甲申天皇內宴

於仁壽殿令賦苑欄聞鶯之題獻詩大臣以

下給祿有差 丙戌河内國荒廢田卅町賜

本康親王 辛卯在石見國五ヶ郡中神物

十五社始預官社以能應吏民之禱久赦旱

疫之災也其神名具在 二月甲午朔遣唐

使祠天神地祇於當國愛宕郡家門前諸司

為之廢務 乙未勅曰令人主安穩黎庶和

樂不如十一面大悲秘密神呪之力宜普告

五畿内七道諸國請淨行僧七口於國分寺

一七日夜薰修十一面之法 戊戌伯耆國

川村郡无位伯耆神大山神國坂神及對馬

嶋上縣郡无位和多都美神胡籙御子神下

縣郡无位高御魂住告神和多都美神多久

都神大調神並奉授從五位下 辛丑陸奥

國言劔戟者交戰之利器弓弩者致遠之勁

機故知五兵更用廢一不可况復弓馬戰闘

夷獠之生習乎民之十不能敵其一然至于  
駕較雖有方方之橫賊不得對一駕之飛鏃  
是即威狄之至尤者也今見庫中駕或大鉢  
不調或枕弁差誤雖有生徒充入督習是不  
置其主司之費望請准鎮守府置駕師其公  
廡不更加奉分所有准一分給許之 癸卯  
以從五位上藤原朝臣貞雄為充兵衛佐是  
日勅聽大春日布瑠粟田三氏五位已上准

小野氏春秋二祠時不待官符尚在近江國  
滋賀郡氏神社 庚戌近江國人散位永野  
忌寸石友散位同姓加賀古麻呂等改本居貫  
附左京五條三坊石友之先後漢獻帝苗裔  
也 甲辰散位從四位下和朝臣經繼卒  
丙午授從五位下藤原朝臣常嗣正五位下  
為兼太宰權帥左大弁如故 云 以遣唐大  
使參議正四位下藤原朝臣常嗣為太宰權

續日本後紀卷之六

三

帥左大弁如故 癸丑備前國飢賑給之

庚申從五位下菅野朝臣永岑言亡父參議

從三位真道朝臣奉為祖武天皇所建立道

場院一區在山城國愛宕郡八坂鄉雖其疆

界接八坂寺而其形勢猶宜別院由是道俗

号八坂東院伏望限以回至別為一院置僧

一口永得持許之 癸亥迎江國野洲郡公

田并荒廢田二百八十五町賜親王子內親王

道場院

三月丁卯彗星見于東南其先芒東至天

涯 戊辰天皇御內裏射場有右大臣從二

位兼行左近衛大將清原真人夏野奉獻之

設賜侍臣酒是日右大臣上表請禊宿衛職

言臣再陳款心兩隔天懸祈請牙驗精爽有

迷臣聞衆權兼二者永難具存量方勉二者

終得能全臣文非專業武非折衝系帶二宮

恭奉三主剛柔迺生歲月稍深天近衛者帝

王之仇牙國家之扞城守備不虞義在禦侮  
夙夜靡盬老臣難任者也所以去夏瀝歎乞  
脫斯任陛下特降渥恩逾錫寵命於是感戴  
昌運猶冀終身而頽齡行邁眼昏暗朦霜華  
衰髮風嚴兩耳膽聽之智猶非先駘侍衛之  
勤亦異昔力夫疲駘長路夕鳥懷歸况臣在  
腰帶劔有煩步趨弱手撫弓無力弛張揆已  
三省無其下可伏乞幸免警衛之任避銳兵

續前本後編卷六

三

水亭

於賢將專守寄衛之職餌醫藥于公隙若天  
鑒廻照特賜稱力之於微臣知足則免負無  
之噴不許右京人遣唐知乘船支槻本連良  
棟民部少録同姓豐領等賜姓安塚宿稱其  
先出自後漢獻帝後也 庚午詔尾張國課  
口三分之一特從優復河流漲溢民多病水  
故降此恩 壬申彗星猶見但為月光所奪  
其光芒微少耳 丙子遣唐使朝拜豐後國

續前本後編卷六

六



人外從五位下吉弘。依龍麻呂賜姓真道連。授內舍人正六位上和。朝臣豐永從五位下。戊寅賜入唐使節刀。大臣口宣。詢曰。去年大使進賜節刀。擎當于左肩退出。副使趨在大使前相連而退。壬午遣唐大使藤原朝臣常嗣。出自鴻臚。祭向太宰府。癸未。義濃國言。二月廿五日。兵庫自鳴至。三月十五日。亦鳴。同前。丹波國人右近衛府將曹和。迺臣。

龍人改本居貫附左京五條二坊。乙酉。依遣唐使進祭。差內匠頭正五位下楠野王等奉幣。帛於伊勢太神宮。是日天皇不御。大極殿雨也。權中納言從三位兼行左兵衛督藤原朝臣良房率諸司行夏也。丙戌。以參議從四位下和氣朝臣真綱為兼左近衛中將。右太子如故。云云。丁亥。遣唐副使小野朝臣篁。祭自鴻臚。向太宰府。戊子。常陸國新

神社

治郡佐志能神真壁郡大國王神並預官社  
 以此之中特有靈驗也。辛未和泉淡路兩  
 國飢賑給之。癸酉義作國飢賑給之。其  
 四月癸巳朔天皇御紫宸殿皇太子侍焉賜  
 群臣酒酒罷賜錄。丁酉大和國入内蔵史  
 生大保連福山賜姓大負連。戊申陸奥國  
 言王造塞温泉石神雷響振晝夜不止温泉  
 流河其色如漿加以燒谷塞石崩折更作新

温泉

治滯声如雷如此奇恠不可勝計仍仰國司  
 鎮謝災異教誘夷狄。癸丑陸奥出羽按察  
 使從四位下坂上大宿祢淨野馳傳奏言得  
 鎮守將軍迦瑳宿祢未守牒備自去年春至  
 今年春百姓妖言騷擾不止奥邑之民去居  
 處出支頭加添戍兵靜騷赴農又粟原賀義  
 兩郡百姓逃出者多不得抑留者臣淨野商  
 量防禍靜騷須慎未然加以粟原桃生以北

續日本後紀

續日本後紀

停囚控弦巨多似從皇化反覆不定四五  
所謂馬肥厠驕之時也儻有非常難可支禦  
伏望老免援兵一千人四五月間結番上  
暫候事免其糧料者用當必穀依例與給但  
上奏待報恐失杭事仍且免且奏者 五月  
丁巳賜勅符曰支綠領稅依請許之唯克制  
權喪威惠兼施 丁丑僧綱奏言出家入道  
為保護國家設寺供僧為滅禍致福頃者天

地災異處處間奏今須每月三旬三介日間  
輪轉諸寺晝讀木般若經夜讚藥師宝号以  
此奉答國恩勅報曰佛旨冲奥大悲為先攘  
災致祥諒在妙典今省來奏自叶心斯宜令  
梵刹崇福東西大寺東北寺貞福新藥元貞  
太安藥師西大寺招提本元貞弘福法隆四  
天王延曆神護聖神常住等サケ寺每旬輪  
轉自五月上旬迄八月上旬誓願薰修 戊

戊天皇於清涼殿內宴奏奇樂侍臣具醪賜  
 祿有差 庚申天皇御武德殿閱覽左右馬  
 寮駒後太上天皇附參議源朝臣定負獻御  
 馬二疋於天皇 丁卯天皇御武德殿觀馬  
 射 巳巳近城諸寺住持寂絕滄濫屢聞詔  
 定別當令其紀正以文武官五位中明察鯁  
 直者充之 丁酉授遣唐第一舶其号太平  
 良從五位下 癸未上野國言御馬疫死遣

閱

使監察伊豫國飢賑給之 丁亥賜正五位  
 上伴宿祢益立本位從四位下益立定龜十  
 一年為征夷持節副使發京之日叙從四位  
 下厥後遭詔奪爵其男越後大掾野繼上書  
 冤訴久矣遂明得雪父耻 庚寅太宰大貳  
 從四位下藤原朝臣廣敏卒 六月丁未賜  
 小康親王山城國葛野郡空閑地一町勅命  
 五畿內七道諸國奉幣名神豫防風雨莫損

年穀。庚戌地震。甲寅宮內卿三品阿保親王為兼兵部卿上野太守如故。左衛門督從四位上百汲王勝義為兼宮內卿相模守如故。中納言正二位源朝臣常為左近衛大將。權中將從四位下和氣朝臣真綱為兼中將。右大弁如故。正三位源朝臣信為兼左衛門督。近江守如故。戊午散位正四位上小野朝臣野主卒。己未正三位行中納言兼

左近衛大將源朝臣常上表請解左大將職。曰。右京人左京亮從五位上吉田宿祢書主越中次從五位下同姓高世等賜姓真世朝臣始祖監番大倭人也。後順國命往居三已汶地其地遂隸百濟監乘津八世孫達章吉大尚其弟少尚等有懷土心相尋來朝世傳醫術兼通文藝子孫家奈良京田村里仍元賜姓吉田連備後國飢賑給之。

辛酉從四位下紀朝臣善岑卒 巳巳散位正六位上八多真人清雄言姓氏錄所載始祖錯謬非實私門之太患也詔令刊改之 丁酉依從五位下勲六等小野朝臣宗成請勅聽出羽國取上郡建立湧苦院一処又宗成所同國分二寺奉造佛菩薩像并寫得雜經四千餘卷並令附官帳不紛迷事具官符 秋七月甲子延十五口僧於常寧殿畫

則讀經夜使悔過以內裏有物恠也 巳巳天皇御紫宸殿觀相撲節 丁丑地震 庚辰除目 云 癸未太宰府馳傳言遣唐三午船共指松浦郡是樂埒發行第一第四船忽遇逆風流著壹岐嶋船左右方便漂著值賀嶋是日先太上天皇皇子從四位上源朝臣鎮繁陟神護寺剃頭入道城中聞者為之墮淚 丙戌天皇御後庭命左近衛府

奏音聲令弄玉及乃子。庚寅先太上天皇奉還源朝臣鎮位記於内裏是日勅以宮城北園池司地廿二町内荒廢地二町充典藥寮。辛卯加加具國石川郡荒廢田砂九町賜三品彈正尹秀良親王近江國荒田六十四町勅充太皇太后後院。八月壬辰日向國子都濃神妻神宮埜郡江田神諸縣郡霧嶋岑神預官社。戊戌伊豫國從四位下大山

神社

積神從五位下野間神並預名神。庚申勅陸奥國課丁三千二百六十九人給復五年。安慰其情以國言也。丁巳无位正道王於殿上冠焉即叙從四位下正道王者故中務卿三品恒世親王之子後太上天皇之孫也。後太上天皇殊鍾愛令天皇為子每陪殿上因有此叙。九月壬戌地震。辛巳以從五位上藤原朝臣當道為河内守右少弁如故。

散位從五位下丹墀真人石雄為伯耆守遣  
前守從五位上石川朝臣橘繼為修理船使  
長官筑前權守從五位下小野朝臣未嗣遣  
周判官從五位下長岑宿祢高名並為次官  
自從今月一日起至廿日五畿內七道豫東  
損者惣三十一國 甲戌損津國人右衛門  
督師辟秦直身武散位同姓仲生等三炮改  
本姓賜秦勝 甲子聖躬不豫願遣中使誦

經七ヶ寺 己丑聖躰平復金銀長上工正  
六位上丹波直廣主年老還鄉勅給正統敷  
五十碩 己巳天皇御紫宸殿宴重陽節命  
文人同賦露重菊花鮮之題宴賜錄有差  
冬十月辛卯朔天皇御紫宸殿賜群臣酒  
是日喚左右京亮右衛門檢非違使佐并四  
人於殿前宣勅遣勅錄東西兩京飢病百姓  
特加賑恤以陰霖經日穀價踊貴也 癸丑

續日本後醍醐天皇

三



左京人從七位上佐伯直長人正八位上同  
姓直持等賜姓佐伯宿祢 丙辰聽看院司  
私養鷹二職 戊午授從五位上百濟王慶  
仲正五位下正六位上百濟王忠誠從五位  
下先太上天皇自交野遊獵處有諷旨因所  
叙也 乙卯授正六位上清料朝臣弟主從  
五位下 丁酉右大臣從二位清原朝臣夏  
野薨冥野正三位御原王孫正五位下小倉

主之第五子也薨時年五十六 冬十一月  
辛丑朔天皇御紫宸殿賜侍臣酒皇太子朝  
觀 戊辰天皇於神泉苑放雉 丁亥天皇  
於神泉苑放雉 甲申山城國人造酒司史  
生秦忌寸伊勢麻呂等改本居貫附右京九  
條四坊 丁丑加賀國言管能義郡人貳部  
造繼麻呂父母存日定省之礼無夫其節沒  
後操行不變朝夕哀慕隣里劬邑莫不推服

可謂孝子勅宜叙三階終身免其尸祖旌表  
門閭令衆庶知上 十二月庚寅自有蝕之  
亭如是夜盜開春與殿偷取絹五十餘疋宿  
衛之人不得見着右兵衛督從四位下百濟  
王女義卒 癸巳近江國人左兵衛權少志  
賀史常繼左衛門少志錦村主藥麻呂越中  
少目錦部忌寸人勝太政官史生大支村王  
弟繼等賜姓審良宿祢常繼之先後漢獻帝

苗裔也 甲午夜分女盜二人昇入清涼殿

天皇愕然命藏人等告宿衛人遂捕之統獲

一人其一人脫亡 丁酉勅令造轆軻木壺

一合銅壺鈿鏤者一合脩于奉納天王寺聖

靈御髮事由未詳但口傳曰聖德太子御髮

年冬霹靂彼寺塔心一時遣使監祭而其使私  
偷髮與之已妻由是後日成崇因更搜索  
還藏本処云云 是日左大臣正二位藤原朝


臣緒嗣上表言臣年老病重出入絕望疾床

引月既過一紀臣竊見天下官庫空罄國用  
闕乏况今年不稔衣食共損倉廩不實何知  
禮節臣前以此義去天長之初上意見之日  
奏言得不要之官斷文華之費而臣久沉痾  
疾空積星霜曠官之責可謂其首其文章者  
歷代不朽也豈口奏其言久居職哉加以陰  
陽不調責在臣子伏望停不當之號開賢德  
之進然則天道無災自作中與非敢逃天澤

之采名飭之利內侍宜久國老止志獨能義  
坐世朝夕政波不申給阿礼國家事波定申  
任志前前尔辭申尔附尔自今以後如  
此尔辭申尔不得止宜波今毛又志賀奈毛  
思行源然今進冬辭書非御意止志左近衛  
中將從四位下和氣朝臣真綱乎羌使給止  
宜庚子自旭且至戌時大風京中屋舍往  
往破壞太宰府言管豐前國田河郡香春岑

續日本後紀卷第六  
神辛國息長火姫大日命忍骨命豊比咩命  
惣是三社元来是石山而土木惣無至延曆  
年中遣唐諸益僧最澄躬到此山祈云願緣  
神力平得渡海即於山下為神造寺讀經介  
来草木蓊鬱神驗如在每有水旱疾疫之灾  
郡司百姓就之祈禱必蒙感應年登人壽異  
於他郡望預官社以表崇祠許之 庚子是  
夜盜穿大藏省東長殿壁竊取絕布等不知

幾匹端 辛亥遣六衛府大索城中 丙辰  
以從四位下橘朝臣永名為兼右兵衛督播  
磨守如故



續日本後紀卷第六

勤日本外紀卷六

...

...

...

...

